




本朝文粹

16
176
4



和16
號 176
10



本朝文粹卷第五

表下 付辭

○辭左右大臣

為昭宣公辭右大臣第六表

管贈太相國

臣基經言伏奉恩旨以去八月廿五日任右
大臣仰思注意望辰極以魂亡俯侍具瞻揖
蒸黎而顏厚臣某中謝臣銀黃濫服菽麥彌昏



欲報光寵於昊蒼更累崇班於尺素况乎禮
之強仕臣齒未滿其期書之阜成臣能未及
其事昔甘羅之一十餘以多智不為少年
今微臣之三十有七以無才猶謂太早伏願
陛下鴻慈聽臣愚悞退臣所帶俾槐路斷曠
官之聲華門得統駕之地不勝至誠上表以
聞臣某誠惶誠恐頓首頓首死罪死罪謹言
貞觀十四年十月十三日正三位守右大

臣兼行左近衛大將藤原朝臣上表

辭右大臣第一表 管贈太相國

臣某言伏奉今月十四日詔旨以臣任右大
臣仰戴天慈不知所措臣某中臣地非貴種
家是儒林偏因太上皇往年拔擢之恩自至
諸公卿今日昇進之次無寢無食以恩以慮
人心已不縱容鬼瞰必加睚眦伏願陛下高
廻聖鑑早罷臣官非唯不奪志於匹夫亦復

得從望於衆庶不堪懇效屏營之至上表以
聞臣其誠惶誠恐頓首頓首死罪死罪謹言
昌泰二年二月廿七日正三位守右大臣
兼行右近衛大將菅原朝臣某上表

同第二表

菅贈大相國

臣其言去月廿八日中使從四位上修理大
次兼行左近衛中將備中權守在原朝臣交
于至奉宣恩旨返臣上表天無不覆為臣何

約其周日無不臨為臣何韜其照臣某
初舉秀才後為博士類遷不止俄忝崇班曩
者孫弘高弟華賢大儒至其居專統屬具瞻
則年已耆而學逾明也以年言之臣少於弘
二十年以學論之臣不及賢千萬里况復當
時納言居臣下者將相貴種宗室清流皆是
臣抱書卷遊黌門之日位望先貴冠蓋自高
臣若不獲已可就朝列猶踞爐炭以待燒亡

履^ラ洽^チ冰^{ヒョウ}而^{シテ}期^ス陷^ク沒^ス矣^{ナリ}。遠^ク尋^ヒ漢^ノ代^ノ近^ク計^ス周^ノ行^ヲ上^ニ畏^リ蒼^ノ昊^ノ下^ニ耻^シ黔^ノ庶^ノ步^ヲ不^レ安^ク步^ヲ何^レ以^テ授^ケ手^ヲ於^テ紀^ノ網^ノ心^ヲ不^レ攝^セ心^ヲ自^ラ然^ク慙^シ顏^ヲ於^テ瑄^ノ轄^ニ而^{シテ}已^ニ。伏^{シテ}願^シ陛^下下^ニ追^ヒ廻^シ寵^ヲ命^ヲ賜^テ解^ク臣^ノ官^ヲ改^メ授^ケ其^ノ人^ニ。裨^ニ賢^ヲ得^ル路^ヲ不^レ任^シ戰^ヲ越^シ兢^ヲ惕^ヲ之^ヲ至^リ謹^ニ再^ニ奉^シ陳^シ乞^フ以^テ聞^ス。臣^ノ某^ノ誠^ニ惶^ニ誠^ニ恐^ニ頓^シ首^ヲ頓^シ首^ヲ死^ス罪^ヲ死^ス罪^ヲ謹^ニ言^ス。

昌泰二年三月四日正三位守右大臣兼行左近衛大將菅原朝臣上表。

同第三表

菅贈大相國

臣^ノ某^ノ言^ス今^ノ月^ノ四^ノ日^ニ中^ノ使^ヲ從^テ五^ノ位^ノ上^ニ守^ル右^ノ近^ノ衛^ノ少^ノ將^ノ源^ノ朝^ノ臣^ノ緒^ノ嗣^ノ奉^シ傳^ス天^ノ旨^ヲ不^レ聽^ク懇^ニ請^フ臣^ノ戴^シ恩^ヲ惟^ニ重^ク海^ノ裔^ノ之^ノ首^ヲ難^ク勝^ク祈^ヒ感^ヲ未^レ休^ク鼻^ノ鶴^ノ之^ノ聲^ヲ欲^ク竭^ス臣^ノ某^ノ中^ノ謝^ス臣^ノ地^ノ望^ヲ荒^ク庶^ノ售^ヲ以^テ箕^ノ裘^ノ之^ノ遺^ヲ業^ヲ天^ノ資^ヲ淺^ク薄^ク飭^シ以^テ螢^ノ雪^ノ之^ノ末^ノ光^ヲ不^レ圖^ク本^ノ上^ノ天^ノ皇^ノ技^ヲ南^ノ海^ノ前^ノ吏^ノ聖^ノ主^ノ陛下^ニ不^レ棄^ク東^ノ宮^ノ舊^ノ臣^ノ吹^ク毛^ノ之^ノ疵^ヲ逐^ク榮^ノ華^ヲ以^テ鋒^ヲ起^シ銷^ク骨^ヲ之^ノ毀^ヲ隨^テ爵^ノ祿^ヲ以^テ

存臻嗟乎樞衣不遵星霜僅移十六潤屋無
限封戶忽滿二千臣自知其過差人孰怨彼
盈溢顛覆急於流電傾頽應於踰機而已伏
望睿覽降臨宸衷曲鑒削臣官以全臣福
臣寵以保臣身寵渥官崇皆是不翅之飛翔
也身安福景豈非無涯之霈澤乎不勝迷懼
之至重以拜伏陳乞臣某誠惶誠恐頓首頓
首死罪死罪謹言

昌泰二年三月廿八日正三位守右大臣
兼行右近衛大將菅原朝臣上表

為清慎公辭右大臣第一表

後江相公

臣實賴言伏奉去四月九日詔命以臣為右
大臣非分之職知其不堪外熱內寒汗流心
戰臣某謝臣幸生積善之門少承餘慶之末
謬以陋質早登清班獻替多誤胡顏厚於榛

木之皮進退增危春冰薄於秋蟬之翼况乎
大臣者四海儀表之官百寮具瞻之任也步
而失蹤已懼行李於虎尾食不甘味何調益
梅於龍文夫有非常之才當居不次之地昔
荀爽九十五日間昇台司巖穴之雲未散今
微臣五十八年後日本袞職相門之塵猶餘英
俊進途世論成慶不肖尋跡樵夫反唇伏願
陛下曲垂玄鑑停此黃扉然則賢路收責將

逃銷骨之訕聖日傾心猶為衛足之藿不任
悚懼屏營之情謹抗表陳讓以聞臣其誠惶
誠恐頓首頓首死罪死罪謹言
天慶七年六月十日正三位守右大臣兼
量行右近衛大將藤原朝臣上表
同第二表後江相公
臣其言去十日仰紫掖抽丹襟即日中使從
五位下守右近衛少將兼行大和介藤原朝

臣真忠至返臣上表抑臣下情骨驚迷方豈
用老馬之智魂懼失色如逢真龍之降臣某
謝中臣聞設官擇賢聖主之所慎者匪德之舉
量已受任人臣之所避者過才之譏故孤巖
排雲寫殘夢而求貌五湖賣藥隱宿霧而逃
名况一家繼元輔之位千載少儔同時居上
公之官萬古希有檢舊迹於東周桓侯寧非
司徒鄭武公之親尋故實於西晉義陽則是

太宰安平王之子變風詠德詩人歌而到今
台星比輝良史載而鑑古如臣者無藝無才
非文非武仰畏懸象未開唇於問平之途顧
媿蹇驢何連鑣於司馬之氏流謙之誓指何
不移伏願陛下曲改叡慮遠惜朝經停鴻
名於愚質授鵠官於賢材不任慙悚之情謹
重拜表陳請以聞臣某誠惶誠恐頓首頓首
死罪死罪謹言

天慶七年六月廿三日正三位守右大臣
兼行右近衛大將藤原朝臣上表
後江相公

臣某言今月廿五日中使從五位上守右近
衛少將兼行近江權介藤原朝臣秀方降自
五雲之衢不照再露之膽奉宣天旨重返
臣章類山雞之對圓鏡舞而何為同海鼈之
戴方壺抃而難勝柝之最苦心未有甘臣某

中臣聞輔相之職衆務所歸地勢雖高人望
不足者無當其仁天才雖大政理不明者難
入其撰故古之聖帝明主深慎此舉者也臣
謹檢家譜重聞故老先功之後中代以來槐
棘之間棟華連萼廟堂之下棟梁比覺其能
薄材漸超元老而貪榮憂重責深當專統而
慙德如微臣者未曾有也况家公居師傅之
官胤嗣承統理之任遠問漢家希傳彼比近

訪臣族未遺此蹤太相國者臣之嚴親也仰膝下而流汗左僕射者臣之伯父也揖席上而收襟臣幸雖多世議難免何以冰兒之頑質更隔雲母之古風乎方今十室之邑忠信可求五步之叢芬芳何絕西京席門豈非陳丞相之舊宅南山芝澗又是袁司徒之幽栖求而用之有益於政齊鉞越推遂非臣任伏願陛下早改丞相之職更擇賢能之人然

則如焦之心煙銷於寸地成雨之謗雲霽於洞天不任荷懼之至謹拜表陳乞以聞臣某誠兢誠惕頓首頓首死罪死罪謹言

天慶七年六月廿八日正三位守右大臣

兼行右近衛大將藤原朝臣上表

為富小路右大臣辭職第一表

管三品

臣顯忠言伏奉去月廿二日詔命以臣為右

大臣忽望寵樹遐邇眼驚獨立恩涯進退股
慄臣某謝中臣才非越倫智無周物謬承餘慶
於累葉之下猥登不次於群英之前昔見喉
舌之星夜思朝務今在心膺之地秋履春冰
夫德碩者蹤雖隱而名自顯器俊者齡雖傾
而用不衰礪溪之風雲暗應也七年望而廻
車菑川之嚴穴盡延也八旬近而開閣如臣
之老者有何所堪哉聲聞本自寂寞年鬢早

以蹉跎無力之可以致効無慮之可以立功
世論定應責臣實賓鬼瞰必不許臣虛受伏
願陛下廻日月之光改雲雨之潤更擇忠
信於十室莫關愚庸於三旌不任荷懼屏營
之至謹抗表陳讓以聞臣某誠惶誠恐頓首
死罪死罪謹言

天德四年九月廿一日右大臣從二位兼
行右近衛大將藤原朝臣上表

本行爲小一條左大臣辭右大臣第一表

管三品

臣師尹言去月廿九日臣苟露寸府忝塵九
田其翌日中使正四位下行左近衛中將兼
春宮權亮美濃守藤原朝臣兼家來從天路
抑斯野情推冬而既迨春驅寒而更代暖臣
師尹誠兢誠怵頓首死罪死罪臣聞養身者
以鍊神爲寶安邦者以積賢爲媒若鍊神信

深者養身之寶易得若積賢智淺者安邦之
媒難求方今臣適生將相之家未施文武之
藝謝遺跡於羊叔子徒憶現山之雲揖餘輝
於角里生空望商嶺之月伏惟陛下初繼
聖體新守明文龍虎爪牙之群或前或後鸞
鶴羽翼之類自西自東箕山掛瓢衣霞之客
入仕渭濱投釣枕流之翁載歸縱使遇君于
重華之芳猷擢臣于累葉之置命豈敢星官

照曉徒備斗柄之負。朝廷盛年。妄叨鼎足號者乎。加之。大臣大將皇太子。傳位尊職重選。久途長兼。斯三者曩古猶稀。如臣者無所立。切。巨勝招責。今日公寵孰與後日之警。一人私恩孰與萬人之謗。脫穎鋒少。空愧平原之囊。切主。双鹿宜讓。昆吾之劍。不如籬邊遊鷄。隔塲於垂天之翎。階底飛蚊。異境於追風之尾。蓋所以全性命而報國。仰祖禰而傳家之。

計也。伏希玄化。曲容血誠。俾此面槐之榮。避彼掌館之訕。不任悚迫憂愧之至。謹重抗表。陳請以聞。臣師尹誠兢誠休。頓首頓首。死罪死罪。謹言。

康保五年正月五日。右大臣正二位兼行左近衛大將皇太子傳藤原朝臣上表。為一條左大臣辭右大臣第三表。

菅二品

臣雅信言去月廿八日。中使從四位下行左
近衛權少將藤原朝臣正統銚奉傳天旨不
許ユキ臣請カ跼懼ヲ踏迷ヲ頻失ニ天地之所在ニ心寒ヒ面
熱アツ彌覺サレ陰陽之難キ和ラ臣某中謝ス臣聞求賢ヲ審官ヲ
明王御世之彝訓ハ量已受任ラ貞臣奉國之忠
規ハ故傳フ氏巖嵐ニ雖風雲ニ於殷夢ニ之後巖陵瀨
水猶涇渭ニ於漢聘ニ之初ニ蓋以テ人各有性ニ分事
或隨時宜歟ハ臣身非長ニ於山東ニ寧堪棟梁ニ之

器ハ譽ヲ無ク置テ於海表ニ爭テ效ス舟楫ノ之功ニ纔欲シ竭ス愚
謹ニ於畫馬ノ之心ニ豈馳セ智略ヲ於問牛ノ之舌ニ况乎
尋皇孫之居台位者ハ近古ニ曾無ク之レ往昔ニ希有
也ハ彼即列テ名ヲ於家室ノ之籍ニ仙萼ノ未芳ニ臣是冒
姓ヲ於京輔ノ之流ニ孤浪ノ如濁ニ舊塵ノ已絕ニ非蹤ノ之
可レ追フ新風ノ難施ニ何化カ之能シ致ス且夫聖代之立
園ニ昔猶多シ遺德ノ明時ノ朝市ニ今必有シ隱才ノ春
過シ夏闡ス袁司徒之家ニ雪應路達ニ且南暮北ニ鄭

太尉之谿風被人知駟使一通髦俊自至伏願陛下日月之明迴光溟渤之潤變渥早退臣匪德之任更授世所推之賢負乘之咎無貽覆折之誚可免不勝荷懼慙迫之至臣某誠兢誠惕頓首頓首死罪死罪謹言

貞元二年六月十四日右大臣從二位源

朝臣上表

重山為入道太政大臣辭左大臣并章奏隨

夫天身等表

江匡衡

臣某言頻表仰恩未蒙矜遂馳意半漢秋駕之騎方危畫詞披陳春木之筆欲腐臣某謝中臣聲源淺薄才地荒蕪偏以母后之同胞不次昇進亦因父祖之餘慶匪德登用彼周公且之夕見七十也臣未能薦一士叔孫通之朝儀三千也臣未能出一言冰魂雪汗四迴于茲天譴鬼瞰萬念于懷方今前鑒不遠後

悔可思，二兄載重而早夭，猶恐覆舟於恩波。微臣嫌盈而苟辭，欲去害馬於政路，而聖詔重降，褒喻彌崇。若從詔命，以甘素飧，則不異淵魚之吞鈎；若感明恩，以忘玄訓，亦孰與爛蛾之入燈。臣逢榮更衰，以寵爲辱，纏霧氣而眼暗空，堆臺閣之章奏，賜霜杖而心寒。徒耀營衛之嚴威，愚臣每事難堪，不如早擇賢相。夫天子不奪人志，明主必遂物性。漢四皓雖

出，應驩獨留於淮陽之雲堯，三徵不來，許由長棲於潁水之月伏，願望弘慈，曲降敕鑑。臣所帶官及內外章奏，觸臣宣行之事，忽從停止。又隨身近衛府已下十人，各付本府，令從歸歟。俾夫天地之德施而彌新，日月之明照而更盛，無任危懼謙退之至。謹重上表陳請，以聞。臣某誠兢誠惕，頓首頓首，死罪死罪。謹言。

文獻四子三月十二日本大日五二於兼

長德四年三月十一日左大臣正二位兼
行左近衛大將藤原朝臣上表

重山

為同太政大臣辭左大臣第二表

江匡衡

臣基言去月廿七日仰帝闡祈恩展衷襟而
辭病即日中使從四位下行左近衛少將兼
美作權守藤原朝臣重家忽至衡門不許鶴
望畏尾而迷低頭而歎臣中謝臣伏惟大臣

職務不可久曠是微臣藥石之初所固辭也
夫聖人者常治無患之患故無患良醫者常
治無病之病故無病而臣啓沃悔於既往攝
理昧於方來命之甚危一至於此加之陛下
以賢才為城郭臣未舉下帷宿學之人陛下
以儉德為衣裳臣纔存上表謙退之道擇官
授職之時臣多過而懼太政官之謹奏殿下
禁中之事臣多勤而謝藏人所之別當彼周

公且之以正月復辟以猶逃三能張子房之
得遐年問仙以已芥萬戶何况臣病入膏肓
命在且暮此之懇誠豈無優恤伏願天眷殊
鑑微衷罷臣槐鼎不且美乎然則蓬萊望雲
戴皇恩而詠玄德漳浦拂霧上閑居而遂素
懷不任挹滿之至謹重拜表陳乞以聞臣某
誠兢誠惕頓首頓首死罪死罪謹言

長保二年五月九日左大臣正二位臣藤

藤原朝臣上表

重出 同第三表 江匡衡

臣某言臣再布腹心苦請骸骨當中使之不
容歎下情之難遂臣某中臣聞易者圓而神
方而智其上經曰儉德避難禮者極於天蟠
於地其表記曰慎以辟禍而臣奢侈不儉愚
昧無慎寄重以病亦重任危以命已危殘燈
暫挑待解官之恩光朝露欲消仰休身之惠

澤居槐庭而非用庶幾梅福於吳門慙鶴鼎
而是辭何甘鳥啄於魯鈍劇輶三公之車蛛
網結而空懸恩授一枚之釵龍泉咽而徒置
悔以不及五六年曠官之譏憂以難堪二十
日迫命之病伏願天鑑早解臣官雖金章
紫綬命盡則何益雖布衣韋帶身存則幸甚
不任悚迫之至謹奉表以聞臣某誠惶誠恐
頓首頓首死罪死罪謹言

長保二年五月十八日左大臣正二位藤
原朝臣上表

為貞信公請致仕表

臣某言星轉漢廻多過百年之半花開葉落
纔逢七旬之期心先車懸涕與筆下臣某
臣聞四時之運春多樂秋多思一生之間壯
且仕老且退閑霄支願追計往事寬平之始

服綺紈而遊蓬萊之宮。延喜之年。飛冠蓋而趨槐棘之路上。皇受禪之日。荷重任而振衣寶曆開元之朝。當諮奠而亂步。代曆四代。心是一心。塩梅少味。只銷日於藥餌之中。舟楫無功。欲退身於江海之上。爰丹心消盡。方寸之灰。積骨玄鬢。化來一把之絲。在鏡帶。爵松寒消雲之心。已屈乘軒鶴老。歸臯之望。自深。故去年錄狀。仰黷宸扆。未迨抽簪之齡。猶馳

收責之意。况當朝杖之尅。彌切致事之襟。伏願聖鑑曲垂。允容稀臣官職。早許翹首之誠。令守止足之分。然則松窓寄身。席片月於逃名之地。蘿逕刻跡。締孤雲於終身之朋。不勝明時辭恩之情。謹拜表陳請。以聞。臣某誠惶誠恐。頓首頓首。死罪死罪。謹言。
天曆三年正月三日。太政大臣從一位。臣藤原朝臣上表。

同第二表

後江相公

臣忠平言。去正月三日。臨告老之期。上遜職之章。登日中。使從內位上行。右近衛中將兼內藏權頭丹波權守良峯朝臣義方至。高傳鳳詔而擲地。不許鶴唳之聞。天臣某。謝。臣奉讀天書。心顏靡託。雖知綸旨之難逆。更迷苦念。之不移。夫周公且者。千年之大聖。金石比堅。司馬季者。三代之重臣。珪璋挺所。具精爽不

衰與善之德既茂。氣力猶健。輔仁之訓長傳。以此為比。尤所慙懼。臣性素羸。重以疾疹。心源畏風。驚魂於瑠璃之色。鬢霜先曙。送恨於蒲柳之秋。故壯年強仕之齡。早有綿悞之歎。斜景朽邁之日。彌增布遽之情。况去天慶七年以來。藥石不靜。行步已衰。朝夫之服空。疊塵滿匣中。向闕之車徒。拋鼠印茵上。代勞力疲。願放瘦馬於塞外。之草濟時。志屈欲遂。

塵舟於浪上之花七十年前悔既往素餐之責二百篇裏愧不歸於式微之詞忘盈思損則是一累年累日之懷也辭寵逃名豈只一朝一夕之志乎古語云動入以行不以言應天以實不以文欲開福謙之門以退進賢之路伏願早降陛下之玄鑑曲照微臣之丹誠尋朝章於明文停夜行於暗質然則魏闕曉星自免空首之謗家山春夢將遂高枕之襟攬

悚

筆詞極臨紙沈瀾不在誠懼征松之至謹拜表陳請以聞臣某誠惶誠恐頓首頓首死罪死罪謹言

天曆三年三月十六日太政大臣從一位藤原朝臣上表

為清慎公請致仕表 管二品

臣某言紅榮黃落一樹之春色秋聲結綬抽簪一身之壯心老思臣已老也寧無思哉臣

其中臣伏惟功成不レ退身者非智年至不致
事者非賢真談在耳玄道風聞聖教驚情粉
澤流迹臣名實不叶德位相乖舟楫之用無
切何幸久忝重載之任鹽梅之和未闕豈圖
全至貳膳之期方今肝葉始薄之後秋風既
二十迴心花差衰之程春日新七八箇以年
而念禮制之車可懸有時若徵勅枯之輦爰
在未死之際唯命誰辭但恐闕庭一退則城

月厭レ而不再迎家山已歸亦洞雲遮而難重
出又臣羸ル茶暗倍筋骨不堪珠砌禁嚴曾非
扶杖之地蘿逕契舊欲為掛冠之棲伏願
陛下日月曲光雨露迴潤矜胡馬之風嘶許
遼鶴之雲望住臣殘夢令臣晏然跡進心留
筆淚俱下無勝慙懼眷慈シ之情謹拜表陳請
以聞臣某誠惶誠恐頓首頓首死罪死罪謹
言

安和二年正月八日太政大臣從一位藤原朝臣上表

為同公乞身表

管三品

臣某言誠之至深者其詞無詞文之偏質者其體少體臣有愚懇固知所陳臣某謝臣天爵不訛人位徒貴塞賢路而謗毀穿耳重寵澤而慙惕交胷才職全違常迷問山中書生之喘形氣早悴唯思赴淮南道君之蹤及至

秋景既過夜漏漸末老眼不寐靜想微躬生於昌泰之末長於延喜之間戴曉星飲夕冰所歷者四代之聖化棘露淹槐風積漸迫于七旬之頽齡於是耄隨年加心幾求退而志進病逐日劇事皆昨是而今非數之寂竒雖泣軒雲之長斷福之猶景復仰堯日之新昇臣即謂仁已被遐無物不霑潤恩先施舊是臣自遭逢鳴吠可通骸骨可賜豈圖更尋家

風於塵穢還降關白之紫綬驚以獻章膽頻
瀝而汗不反懼之向闕身強行而脚難支是
故觀天自惰道民無功縱有政教之可急行
只當馳意又有詔命之可固爭何曾犯顏治
理之道恐從茲虧况雲物呈災星怪尤甚昔
東漢末衰之世權臣多因咎異而去官今中
霄有變之時鼎司誰見謹告而安位伏願陛
下殊垂玄鑑曲照丹旸矜臣擣藥且仕之情

允臣稅駕求歸之請斯乃國家所以上答天
心下協人望攘災沴於一旦期休祥於萬年
也無勝悚迫憂悖之至臣某誠惶誠恐頓首
頓首死罪死罪謹言

康保四年十月廿五日太政大臣從一位
藤原朝臣上表

○辭封戶
請減封戶表
菅贈太相國

臣其謹言。臣自當重命。推讓三迴。空谷不傳。履冰而止。臣謝中伏惟大臣新任。必折半封志。出於守信。謙義歸於增海。岳况臣性耽時習。計日之資。可支家寄。風情浮雲之富。難繫問之千古。前規灼然。取諸一身。餘慶至矣。伏願聖主陛下。止カカ舊史下附。所司以減臣所食。一千戶。不勝懇切。上表以聞。臣其誠惶誠恐。頓首頓首。死罪死罪。謹言。

昌泰二年十二月五日。正三位守右大臣兼行右近衛大將菅原朝臣上表。

為九條右大臣請減職封表

管三品

臣師輔言。臣才淺能薄。謬登崇班。量力披心。頻抗讓疏。遂無天鑒之照。中膽更有地分之加上腴。臣謝中謹尋古來大臣之新除者。莫不割其職封。返之公府。况臣任匪德重責。

與恩深向槐路而履冰顧蒞土以添汗家好
儉素不柰龍洞之愁祿致陳紅恐垂孤丘之
誠雖憚屢驚神襟不忍默招鬼瞰伏乞鴻慈
據考舊典折戶邑之一半支國用之錙銖非
唯拂浮雲於衡門最願掃輕塵於嵩嶽不勝
懇款之至拜表以聞臣其誠惶誠恐頓首頓
首死罪死罪謹言

天曆元年閏七月廿九日右大臣從二位

兼行左近衛大將藤原朝臣上表

為入道前太政大臣出家後辭封戶并

准三官第二表 江匡衡

沙彌如實言前獻誓言未蒙矜遂五情如灼
三伏履冰沙彌某謝某昔極槐路之崇班今
為桑門之後進形類玄鶴警夜久案枕中之
方志在白牛去朝何促車上之舞荷君惠而
早老欲息肩過一生戴佛恩而恐遺應合掌

奔餘念加以其寢疾落淚之後詔長男內太
臣藤原朝臣攝行天子之政一同其在俗之
時矣彼魯伯禽者姬旦之後也雖受公封而
無齊璇璣漢霍禹者子孟之兒也雖襲侯爵
而無負玉宸遠訪大邦未聞此類近考列祖
少可因循而昨日其父去其職今日其子承
其塵事之殊常未曾有焉嗟呼老身存而既
兄息子揔百揆之寄大臣罷而更忝禿丁准

三官之儀真云俗云蒙恩如此其初謂一投
夢宅變易之拆長斷畏途生死之輪豈料畫
浮榮兮字不成澗水空黷破宿慮兮跡難隱
山雲正愁譬猶欲擾野鹿以先控良弓逐家
狗以還予滋味者歟反覆而思一無可者伏
望睿覽神聰停茲異賞唯則陶唐誓古之政
莫降飛越布新之恩不耐荒悚之至謹重奉
表陳乞以聞沙彌某誠惶誠恐頓首頓首死

罪死罪謹言

永祚二年六月日沙彌某上表

○返隨身

為貞信公返隨身表

後江相公

臣忠平言伏奉今日四日勅命賜內舍人二人左右近衛各四人以為微臣隨身兵仗伏惟驚雀短心不思冲天之翮瓦石陋質豈期照乘之輝敬聽之寵誰不反唇某謝中臣承先

帝之遺託揔萬機於庸材省躬揣分何以克當白章三封頻抽瀝膽之讓玄渙一出不降收汗之恩爰綸旨難逃迴惶從事朝露聚滴何添宏海之潮夕螢積光無助朗月之影方今前祈不遂後賞更加憂懼兼懷冰炭同器身毛皆豎寒似越鳥之畏霜心魂共迷熱於吳牛之喘月况復器輕寄重以榮為憾稟在羊質雖存見革之觀飾以虎皮猶動恐豺之

意伏望憐此丹情灑以玄波停鶴樹之冊收
虎賁之兵然則聖主不遺假寵之謗愚臣自
免貪榮之名無任至情上表以聞臣某誠惶
誠恐頓首頓首死罪死罪謹言

延長八年十二月日左大臣正二位藤原
朝臣上表

○辭女官

為尚侍源朝臣全姬請罷職表

管贈大相國

妾全姬謹言妾先陳悃誠請解所職重年遠
隔單書難通一二年來愈增厚顏今妾位崇
三品齡迫七旬將假脂粉以從塵紫圍非扶
杖之庭欲催綺羅以勤公丹悃懸車之義
妾不敢嫌退白日惟明妾亦無飾詞蒼夫在
上伏願殊垂降鑑聽妾誠請避高班於賢路
養殘氣於幽閑妾全姬誠惶誠恐頓首頓首

死罪死罪謹言

元慶四年月日

○辭狀

請被停職中務省卿狀 前中書王

右臣者前朝之免相也不堪王室之如燬晦
跡山門十餘年今聖上幸賜優容降以殊常
之獎恩溢生涯感流老淚而已然黃壤之期
不遠素飡之責更來古所謂以朝衣掛朽株

也臣昔列槐棘之時思辭爵辭官以無為無
事而送餘生故西山之下聊結草菴以為退
老之地而本懷乖違遺恨在彼今日所陳者
是昔時之宿念也望請殊曲天慈被收官
爵然則上隨老子止足之路下避少年汗朝
之譴兼明頓首頓首謹言

寬和二年正月廿五日 一品行中務卿
狀

為清慎公請罷左近衛大將狀

實命二年五月廿五日 菅三品

右臣某竊以近衛大將者分闡之重任絕席之崇班銳氣過人乃可率三軍之貔豹威風振世乃可掃萬里之煙塵臣略非孫吳職是周衛謬以相將之胤叨歷左右之勤帷帳無籌何高枕於幕府車甲難練寧緩帶於轅門顧鶴列而心慙杖龍節而魂慚是以苦凝丹

析頰上白疏慰喻之旨前後徒深撫摑之懷歲月未遂虛受差以已逢秋霜之十八迴妄授不休無堪春冰之數百步况齒髮早衰筋力漸盡警巡之日益少歸休之夕猶多暫趨紫庭疲如遠征之卒動卧白屋義非近伏之臣人心曾不寬容天變屢以譴告雖欲求逸其可得乎夫仁者必勇股肱誰非爪牙賢人為兵冠蓋皆是介冑復隴山雲暗李將軍之

在家。穎水波閑。蔡征虜之未仕。求而致之。戎
政自理。伏願鴻慈。罷此武職。俾臣專優遊。台
司望苑之間。俾臣無留連。星施電戟之下。不
勝慙歎。屏營之至。臣某誠惶誠恐。頓首頓首。
死罪死罪。謹言。

天曆九年九月十七日。左大臣正二位兼
行左近衛大將皇太子傳臣藤原朝臣上
表。

為四條大納言。請罷中納言左衛門督
狀。江匡衡

右臣公任狀。以納言者國之喉舌也。蹇々敷
陳金吾者王之爪牙也。孜孜宿衛。一日不可
退居。一夜豈空巡警乎。臣幸出於累代上台
之家。謬至過分顯赫之任。才拙而零落。槐葉
難期。前蹤病重而栖遲。柳枝可生左臂。加之
皇太后去年春。以還霧露屢侵。口膳乖和。蒙

猶子之恩兼為長秋之監嘗藥之事無人相讓玉條非無充侍之文竹帛又遺弘仁之例暫繼彼仙院之塵偏宿此右園之月臣子之道行志一也非敢掛冠而効二疎欲亦知足而免三懼伏請皇鑑曲廻餘輝暫罷文武之兩官將慰刀火於丁途不堪中悃之至臣陳乞以聞死罪頓首謹言

寬弘年月日

正三位行中納言兼左衛門督

藤原朝臣本

任狀

請罷藏人頭狀

管贈太相國

右臣某伏奉昨日任藏人頭之勅旨夢中之想經曉猶迷冰上之行向春欲陷臣謹檢近代之例天安藤原良繩貞觀藤原家宗同山代蔭仁和平正範藤原有德源元當代藤原時平同高經源希等或出自潢流或生於鼎族其德也堪守芝蘭之種其威也足率鸞鳳之

群未有凡夫懦士之能當此任以遺其名者矣。臣罷官南海歸命北辰。枯骸更華死骨重肉。馴闕下而趨拜分已無涯。列侍中以周旋。恩何不翅。古人云服之不適身之灾也。臣自謂褊衣短裳亦須慎之。况其職之乖人望乎。况其任之遠天量乎。伏願聖主陛下。停臣所掌。更選其人。勿俾跛狎妄觸仙欄。腐鼠初汗。禁省而已。縱使臣凌崩浪於鼉頭。臣豈敢辭。

命縱使臣蹈畏途於庸尾。臣豈敢惜身。唯此非據之職。臣之所不知也。臣某誠惶誠恐頓首頓首。死罪死罪。謹言。

寬平三年二月日散位正五位下菅原朝臣狀

奏狀上

建學館

為在納言建立獎學院狀

作宅丁區在左京二條

高五常

右行平幸逢泰運猥列崇班愚心所企欲罷不能昔閑院贈太政大臣志深憂道慮切求賢開學舍於別館貽善誘於下門故藤氏之生猶多才子雞蹠已飽麟角不稀學之為用不其然乎但見賢思齊已有先式欽慕人跡為日久矣絲是置一茆宅開以學亭宗室苗緒志道齡德者當得休舍號曰獎學院坊接

大學寮取求道之便也門對勸學院表擇隣之意也又聊設田園之業以資簞瓢之費其郡縣項畝具於別紙又位封戶田同以分入豈謂久遠之輸願有涓埃益凡厥一院行事唯欲准勸學院之例而已夫懸米雖微造舟猶闕不有衆川之添何成一流之大若當時後代有裨補此院扶持此業者區々之志千載不朽矣

年月日 左原行平

佛事

請被以私稻三千束加舉正稅充給觀

音寺燈分料狀

前中書王

右北山有寺號觀音寺是先妣藤原朝臣化
雲之地平生有願願起一伽藍造六觀音念
彼大悲之力以為滅罪生善之緣故及臨疾
誠臣云設歸寂滅必遂此願者伏因遺教聊

企微力清虛之甚經年纒成夫有所始無所
終者古人之所歎也况光陰如飛朝露將殞
不成以遠之謀恐遺陵遲之恨須申公家以
此本願謹檢先例分捨私稻求充功德古今
之跡已以居多望請下知國司每年加舉以
其利稻求充燈分料兼聊資住僧供重尋舊
事先妣藤原朝臣先皇御宇之時奉巾櫛三
十餘載聖上問寢之日侍宮困亦有年矣願

因彼累葉之勤得申臣白華之志兼明誠惶
誠恐謹言

年月日

請被以施無畏寺為定額寺狀

前中書王

右臣先妣藤原朝臣淑姬帝城西北聊卜閑
地有意建立道場安置尊像而影堂未終夜
臺早掩臣思述其志歲月已久班爾之巧土

本總成僧伽之勤香華漸積誠雖非鳳利之
有飾猶欲令俗塵而無侵謹尋舊例臣下道
場多為定額者有伏願陛下鴻慈特降龍
渙准之前例列之定額抑先年申請燈分之
日注觀音寺而京畿之間號觀音寺其數繁
多恐星霜推移名字相錯改施無畏將絕有
疑但不為僧綱并講讀師之所攝別當三綱
擅越選定臨時申補兼明誠惶誠恐謹言

年月日

請被以私箱各三千束加舉正稅充給
施無畏寺三昧料狀
前中書主
右兼明從去天德某年以還奉為聖明并
法界衆生結三昧之座講一乘之文于朝于
夕不愆不忘送寒送溫無遠無失而懸磬之
室猶靜一鉢之資屢空常恐嶺薇早盡春景
猶遲園蔬已彫秋漏難明謹尋傍例加舉私

稍充給功德前蹤既多不可勝計望請下知
兩國加舉正稅春運其利長以寺家返抄勘
會抄帳令充三昧料然則福田不耗共賢劫
而求傳法輪載脂與聖日而久轉兼明誠惶
誠恐謹言

天曆七年二月日

為關白內大臣請以積善寺為御願寺
狀
江匡衡

請准先例以積善寺為御願誓護國家

一可置年料諸國講讀師事

一可置年分度者三人事

一可置三綱十禪師事

右茲寺先公入道太政大臣在世之日卜東
郊吉田野所建立也當爾之時怪異頻示既
知此地之不宜結構不幾遂遭所夫之長逝
臨命之間所誠造寺之事為先因茲尋興福

寺之例移土木於他所逼法興院之傍混風
流於同居斯乃一懷先公起居之難忘一取
微臣往返之不遠也嗟呼風樹一擢年華五
改春籬鷺喧猶妬大厦之遲成秋砌螢亂空
悲常燈之未挑朝務為之或懈夜眠自然易
寤爰能事纔畢適為伽藍構雲之蕙暗摸上
天知足之樣滿月之相自出西土昆首之心
攀林花而散香雖禮諸佛之容臨池水而拭

鏡恨隔亡父之影。臣朝家之恩。溢身不可不報。尊親之命。銘骨不可不陳。若不盡莊嚴之美。謂先公何。若不廻長久之謀。謂後代何。今所為御願。蓋償先志。抽新誠也。抑雖有寺。無法不能守也。乃造一切經。雖有法。無人不能弘也。乃置阿闍梨。可有綱維住持之職。故定三綱十禪師。可有修學出身之道。故請度者。講讀師。音郭子之立祠堂。偏只報恩謝德。今

微臣之興佛寺。抑亦移孝為忠。望請鴻慈。曲垂矜照。准先例。以件寺為御願。興隆佛法。誓護國家。功德無邊。善根無量。謹請處分。正曆五年二月七日。關白内大臣正二位藤原朝臣。天恩被恤。給度者四人狀。大江朝綱。右朝綱一心至誠。三代積勤。忝蒙雨露。猶忘

本朝文粹卷五

三十一

私門之思久戴星霜僅列公卿之末而今月
三日忽受重病醫療所加未得其驗蒲柳之
質已脆桑榆之景漸傾縱得藥驗餘命不幾
望請蒙天恩被恤給四人度者將為彼四
恩法界然則功德海之中忽求不死之藥善
根山之上遙結菩提之果現世後生唯仰朝
恩朝綱誠惶誠恐謹言

天曆七年三月日參議正四位下大江朝

大臣朝綱上

本朝文粹卷第五終

本朝文粹卷第六
三月三日受重
實已施
本朝文粹卷第六
三月三日受重
實已施

本朝文粹卷第六

奏狀中

○申ス官爵ヲ在レ申ス執政人ニ

正六位上行民部大丞大江朝臣朝綱誠惶誠恐

謹言

請殊蒙テ鴻慈拜任セ溫職狀ニ

右謹檢先例テ自此省丞ト關榮ト爵者皆無賢愚併任受領朝綱虎門聚雪鳳闕戴星方寸之

勤歲月多積然而天性素頑吏幹亦踈分憂之寄非敢所樂方今慈母在堂春秋八九老病暗期湯藥不靜朝綱盡忠於天朝之年長致孝於私門之日短所謂家貧親老不擇官而任者也望請鴻慈將任濫職且競祿養於風樹且爭貞心於霜松朝綱誠惶誠恐謹言

延長二年二月十五日

請被特蒙 天恩兼任民部大天輔闕狀

橘直幹

右直幹謹檢案内去天曆三年自大學頭大内記拜當職之日所帶兩官皆被停止朝家自被始置文章博士之後未聞其例又至同四年三統元夏從式部少輔除儒職之日不罷少輔被賜兼字拜除之恩惟一榮枯之分不同依人而異事雖似偏頗代天而授官誠懸運命獨守一職爰歷七年今檢前例職經

博士見在當朝者大江維時朝臣博士上兼任式部少輔大學頭同朝綱朝臣先兼左少辨後兼民部大輔紀在昌朝臣先兼式部少輔後兼民部大輔大內記菅原在躬朝臣兼右少辨等是也。往古之例不可勝計。又儒官之例不越次第而三善文明及三統元夏等者皆是直幹之下臈末座也。藤原國光者直幹榮爵之後所問之秀才也。式部少輔每有

其闕三人超越迺被拜任又至于算明法等博士皆帶顯職溫官或兼二寮之頭助為一朝之要樞或兼警衛判斷之職掌國典朝威之嚴而直幹不量涯分謬竊大業之名既非器用自漏明時之祿年齡漸傾滿頭霜雪一半進退惟谷每步山川千里望後進之歡葉眼疲雲路對傍人之榮貴顏低泥沙獨仕有道之邦獨抱貧賤之耻久顧不連之質多積

本朝文粹卷六
三
淪落之悲。抑近代成業之輩。悉是儒門之胤也。文籍隨身。提撕在耳。少者二十有餘。老者僅過三十。皆繼箕裘。咸列昇進。直幹生於累葉。刺史之家。素無一卷文書之蓄。況乎未及成人。早喪慈父。弱冠之初。入虎闈而問風教。壯年之際。依螢幌而疊歲華。道之艱難。俗之寒苦。其所經歷。莫不究嘗。適遇漢主好文之時。周公重士之日。出自黌門。白屋之底。獨立

以除後有執
孤微之中。獻策於春官。纔及上第。筭年於夏曆。早盈強仕。始念縱臨。衰邁之期。當越風塵之客。今悔徒鋪聖人之糟粕。未陷窮苦之淵。泉竊見頃年之例。雖藏人所出納。太政官史生等。皆是綠袍之時。經上官諸司之溫飽。朱紱之後。潤連城數國之脂膏。堂上如華門前。成市方今。計學海之嶮難。如涉百萬里之波濤。瞻吏途之榮耀。不及五六童之倍從。瓢箪

屢空草滋顏淵之巷藜藿深鎖雨濕原憲之
樞者也昔者不改其樂今則難堪其憂固知
儒業之拙拙是數竒之源也若深其道者必
受其飢焉彌及末代之流須為後昆之誠直
幹比年不奏申文唯恃天道亦憑聖明然而
蒼々之玄遠難答瓊々之素懷未遂伏惟昇
殿是象外之選也俗骨不可以躡蓬萊之雲
尚書亦天下之望也庸才不可以攀臺閣之

月至民部之大輔者專非溫潤之地即是恒
例之兼官也誰為過分之榮職乎徒銷日月
不若趨馳望請殊蒙天恩被兼任件闕暫慰
陸沉淹屈之愁直幹誠惶誠恐謹言

天曆八年八月九日正五位下行文章博
學士橘朝臣直幹誠惶誠恐謹言

請殊蒙天恩被遷山城守兼任近江
古權介狀

小野道風
管作

右道風謹檢近代拜除之例自嘗察頭登四
品之榮爵者不改年曆預一國之烹鮮焉藤
原朝臣兼三任奧州攝朝臣惟風任伊州等
是也道風從加爵級數移星灰每見除書類
漏渙渥輪忠貞於奉國積夙夜之勤公春秋
一十二歲之時初奉龍顏之聖主勞績五十
四年之日已為鶴髮之衰翁少藝小能非神
非妙然而紫震殿之皇居七廻書賢聖之障

子大嘗會之寶祚兩度黷畫圖之屏風臨時
奉勅不可勝計方今微功之下日月彌深薄
効之中恩慈未至觀三朝之德化身猶雖沉
本朝隔萬里之波濤名是得播唐國望雲謝
遠聞於吳會就日仰洪施於垂天伏乞乾臨
殊降雨露非典山城分憂之秩將浴江府兼
任之恩道風誠惶誠恐謹言

天德二年正月十一日木工額正五位下

小野朝臣道風

請殊蒙天裁依勤績及儒勞叙從三位狀

右文時延長之初召候内御書所承平之末為文章得業生天慶五年對策及第歷内記十餘年仕弁官九箇年應和二年叙四位康保元年任當職自爾已來十箇年當時儒者獻策之勞莫先於文時者矣太宰大貳藤原

國光朝臣等皆後年之登科也伏檢故實儒者之式部大輔以十年已下勞必拜八座之例近則三善清行朝臣以八年勞藤原元方卿以十年勞大江維時卿以六年勞皆任參議如曾祖父是善朝臣者勞僅三年被拜除也自餘之例不遑具陳去夏略引此例潛訴蒼蒼卑聽不達抱愁而止厥後數月抑淚懷舊初拜内史之時即奉仕五畿七道諸神位

記事名號之訛階級之誤獨自所考正摠六
千餘社其三千六百餘者是文時手書凡內
史局藤原國均去職之後小野春時未仕之
間詔勅宣命位記等文時作書相兼數年勤
仕至天曆二年始直撰式所同三年三月爲
試經勅使是皆從蒙宣旨專竭愚忠歷仕辨
官之日例務之外勤勞匪一臨時奉勅作進
數紙文筆其役猶如在柱史時又別蒙詔命

撰進叙位略例一帙目錄合十卷求文籍
於公私盡心精於案牘誠雖非驚目之文猶
可爲指掌之備之儒者之忠何勤過此又撰
國史所事及本堂講書事等其勤未終曾無
所陳文時策試之次當時第一也吏部之勞
往古無比况彼色々勤績先後重疊又依有
公卿之定所作進之文是度々論奏及朔旦
賀表等也事即在公誠心如一就中彼表推

尋前例作者之儒無不公卿元慶則亡祖右
大臣卿昌泰則中納言紀長谷雄卿延喜則
王善清行朝臣天曆則大江朝綱朝臣也貞
觀以往皆公卿須見前蹤彌露中瞻然而更
披家譜詳察物情高祖父清公朝臣以儒學
勞叙從三位是以文時變八座難登之情仰
三品有例之恩方今筋力盡於五代之朝年
齡及於八旬之暮若不蒙渙澤忽填溝壑則

恐天下文士海內學徒不知公家用賢捨愚
之意偏見文時之沉淪相誠皆以為勿以風
月之情奉君勿以儒雅之事報國矣詩書禮
樂之道從此而可求荒謹案故實朔旦冬至
有恩詔篤學者蒙爵賞高年者預給廩文時
學雖淺而業傳於家年雖衰而誠在於公爰
知此嘉瑞之冬至文時遭逢之秋也望請
天裁垂以曲照殊被授從三位之階縱世人

且嘲且崇喚為三位博士而文時雖生雖死
得為一家之幸翁揔是天下歡豫之一端國
家福祚之太本也不勝懇款文時誠惶誠恐
謹言

天延二年十月十日正四位下行式
部大輔兼文章博士菅原朝臣文時誠惶
誠恐謹言

請特蒙天恩依當省并儒學勞被叙

從三位狀菅三品

奉公勞五代

封策勞三十九年

文章博士勞二十五年

當階勞七年

當省勞十八年十五年權大輔
三年大輔

當省大輔任參議之例

大江維時卿

勞七年

藤原元方卿

勞十年 三年權大輔
七年大輔

三善清行朝臣

勞八年 四年權大輔
四年大輔

平伊望卿

勞五年 已上權
大輔

藤原興範朝臣

勞四年

曾祖父是善朝臣

勞三年 二年權大輔
一年大輔

依可任參議勞被叙三位之例

藤原國重朝臣

治國勞五箇年
正下勞四箇年

依儒學勞叙三位之例

高祖父清公朝臣 勞二十一年

右文時延喜之末召候芸閣夫慶之初對策

及第歷內記十二年仕弁官九箇年康保元

年任當省天延二年叙當階非參議之四位

中文時已為第一也又當時儒者獻策之勞

莫先於文時者矣右大弁齊光朝臣者隔十

六年之下薦也左中辨轉正朝臣者歷十三

年之後進也謹檢故實為式部大輔者數年

之間必拜參議雖至晚者不過十年近古之
例略載于右文時當省之勞殆廿年古來曾
無如是淹沉者項年略引先例頻訴蒼穹早
聽不達抱愁而止須猶一心請拜參議而衰
老而且暮彌迫疲勞而風霧繁侵縱雖暫生
定可無益何者弁官及近衛中將藏人頭等
每有參議之闕必先拜除如是之人繼踵不
斷故也仍一檢太宰大貳國章朝臣之近例

一尋高祖父清公朝臣之往跡遂變八座無
期之思偏仰三品有例之恩是則以公卿者
依有負數而難拜階級者為無定數可易昇
也文時筋力久盡於五代之朝年齡差踰於
八旬之刻餘喘難耐非久可黷朝儀殘命無
程亦豈永費公府其暫加三品之末纔可在
一瞬之間者也唯將欲荷紫紱生前之賜以
賁黃壤夢後之行也若不蒙渙澤遂填溝壑

則恐天下文士海內學徒不知公家用賢捨
愚之意偏見文時之沉淪皆相誠謂勿以風
月之情奉君勿以儒雅之事報國矣詩書禮
樂之道從此而可永荒望請鴻恩曲垂矜恤
殊施雨露之餘光以賜銀青之榮耀何啻一
老翁之慶幸即應泉庶人之歡娛揔是朝野
歌樂之道可遍及國家福祚之願彌新矣文
時誠惶誠恐謹言

天元三年正月五日正四位下行式部大
輔兼文章博士尾張權守管原朝臣文時
上

請殊蒙鴻恩被拜勅解由次官并圖
書頭等關狀

管三品

右兼盛少日入學多年編蒲適奉察試已以
及第於是龍門浪嶮鱗飛年遙俄變本望終
關氏爵天曆四年拜任越前權守秩滿解任

進放還畢任中之間所成功課具錄事狀上
奏先畢爾來散位之勞七年于茲同時拜官
之人後年預爵之輩或踏青雲之色或振玉
佩之聲兼盛獨漏明時之恩徒老白屋之賤
寔雖知天運之有限何不仰王道之無偏以
職試臣者君恩也依恩致功者臣職也拔良
將於卒伍擇賢佐於民黎謀略應機而存績
行當事而見其志合者風雲之感忽至其節

立者虎鼠之用自分兼盛備非文吏守乘武
官鳳闕曉星長失秉燭之志龍庭夜月空志
鳴絃之勤忠依何而顯恩依何以加徒抱勁
草之節多送疾風之秋爰暗室燈滅漏屋風
寒欲下頭陀於山林則人臣未見任意之禮
擬恩遊蕩於江湖則王法重存出關之禁只
有籠鳥戀雲之思未免轍魚近肆之悲方今
聖日雲暖鳥省高熨飛揚之翅恩波涯遙鱗

甲皆逞踊躍之情兼盛同遇一聖之化何抱
多年之愁望請殊蒙鴻恩被拜件闕將盡
奉公之節兼盛誠惶誠恐謹言

天德四年七月廿六日從五位上平朝臣
兼盛

請被特蒙天恩以有勞格勤諸司遷
任遠江駿河等國守闕狀

平兼盛

右去康保四年二月村上先帝聽政之日有
勞諸司連署申請舉狀備謹檢察內有勞諸
司遷任受領之例其來尚矣而項年之間拜
除如忘蹤跡已絕徒積日月之光陰又漏雨
露之渥澤藏人外記官吏式部民部大藏丞
織部正檢非違使等皆有年限拜任受領爰
諸司積歲採用無期身逐年而老家隨日而
貧偏憑奉公之節空志顧私之慮妻子漸倦

裁絳之苦僮僕長厭奔走之役方今或弱冠承恩或壯年蒙賞父子同並專城之任兄弟俱居分憂之職拜一國者其樂有餘金帛滿藏酒肉堆案况轉任數國乎老諸司者其愁無盡荆棘生庭煙火絕爐况窮苦多年乎見樂以增悲對榮以歎悴若以功勞蒙賞則諸司皆成其功若依職役承恩則誰人亦超其勤功勞是一採擇何殊今對鷹揚之人各慙鴉

退之身太陽之耀不照何處厚載之德不長何物幸逢堯年當受比屋之封久超乘日獨抱積薪之歎臣等聞雞參闕行步鎮踏春冰之薄待月歸家鬢髮皆梳秋霜之嚴老者少遺日弱者有餘年懸車不幾看形骸而揮淚携杖在近計年曆以銷魂望請特蒙天恩以有勞諸司被遷任每年臨時之闕國各盡奉公之節者依彼舉狀縫殿頭桶朝臣忠信

任加賀守掃部頭橘朝臣高臣任阿波守已
畢其後時代推移恩賞無定就中年來新叙
之者拜任牧宰之輩暫歷顯要之官一二年
之間或依佗勞或依氏舉不待年限早被叙
者偏假名於當職同成其望亦當其選或自
一官一職頻有被拜除者何況諸國受領稱
其功者馬鞍未解早鞭重山之雲舟楫未乾
急棹疊浪之岸以如此之輩被拜每度之闕

有勞諸司爭得抽其身既而富財者成造作
之功少年早飛隼旗之駕治國者立功課之
理舊吏頻受竹符之任何世無造作之人何
時無功課之吏陸沉之歎諸司未休兼盛等
全節奉公曉夕無懈或疲替古多年之苦或
老勤王累日之功暴風雷雨之朝遠近從事
寒雪嚴霜之節夙夜在公無家無財所仰者
則明主慈惠之德不田不桑所憑者則愚忠

苦節之勤而採擇無期。一生將盡。望請時蒙
天恩。以有勞恪勤諸司。被遷任件國關。彌勵
勤王之節矣。兼盛等誠惶誠恐。謹言。

天元二年七月廿二日。從五位上行大監

物平朝臣兼盛等 在連

請被殊蒙。天恩拜大內記紀伊輔木

工頭源方光申他官所并淡路國守關

狀

其後大分升為公卿人藤原篤茂

右篤茂任寮之後十箇年矣。忠貞不怠。勞績
已深。昔槐市共螢雪。齊聲價者。或昇青雲之
路。或駕朱輪之車。曳寫而朝天。則雙鳥曉飛。
葉縣之月。露冕而莅境。則五馬春入。荊州之
雲。又有出自一司之長。以為百城之宰者。妻
孥飽煖。童僕歡娛。彼何人哉。獨愧運命。謹尋
案內成業之輩。必被優異矣。篤茂早成進士

之名今丞官長之職茜杉年舊蓬鬢霜新貧
而讀書顏子豈無一瓢之飲老而無宅蔣生
猶有三逕之居秘書者閑官之至極也只供
香火之法筵丹州者兼任之虛名也未潤涓
塵之公俸性是頑魯雖甘貧於衡門之蓬節
非夷齊難忍餓於首陽之薇宣尼有言曰耕
則飢在其中學則祿在其中初信斯言今知其
其妄方今代屬休明人霑仁澤昔顏駟之白

首而三代不遇也漢武召見而即為會稽之
守矣今篤茂之丹心而十年沈淪也明時哀
憐而不賜隨分之官哉篤茂編柳久執其勤
飲冰未辭其苦若幸恤勤苦拔滯淹者世稱
文之不墜人知學之無虛然則琢玉之器多
出自孔門命世之才彌滿於朝廷所謂燕王
之市骨而駿馬自來魏勃之重隗而賢士早
至者歟抑非儒士任太內記者延喜聖代藤

本朝文粹卷六

原諸陰是也。以往之例不可勝計。又木工頭者五位官也。試欲勵愚節淡路守者。一小國也。何必擇循良。望請特蒙天恩。任件等闕戴無偏之化。仰有道之風。篤茂誠惶誠恐謹言。天祿四年正月十五日。從五位上行圖書頭兼丹波介藤原朝臣篤茂。誠惶誠恐謹言。

請特蒙天恩諸國受領吏秩滿并臨

時闕舊吏新叙相半被拜任狀

藤原倫寧

右倫寧等謹檢舊吏比聖明於日月以無所不照也。喻皇恩於雨露以無所不潤也。上能施均一之德。下必盡無貳之節。而七八年來正月叙位之外。頗有踐祚太嘗會等臨時之叙位。新叙已積。舊吏自滯。其舊吏之中。昇沈不一。或殊功不聞。早有蒙抽賞者。或愚迷徒

疲父有被棄置者車前盡態而悅者少釜中生魚而愁者多若明恩之無偏何以遺此愁乎謹檢故實叙位之年即任分憂者歲人式部民部丞外記官吏等也此五人者非唯劇務要職其本或諸道成業或諸司積勞雖叙位停止之年而殊被叙用其來尚矣至于大藏丞織部正檢非違使者其賜爵各有年限又新叙之後未必早拜國而年來暫居其職

一二年間或依他勞或依氏舉不得年限早被叙者偏假名於本官本職與彼五人同被拜除或均一職累拜兩國比肩繼踵荷恩戴德爰新叙之輩望此職者八人去任之吏彌被抑遏若每年先盡新叙其餘纔及舊吏則雖叶格濟事有切無過之輩而逐年可入積薪之底何春再期散木之榮當于斯時朝野皆以為受領者一生一度之官榮也與國案

民之治迹不用盡癸鞭蒲之政聲何益豈如
不慮編戶之苦長廼潤屋之謀矣如此則恐
朝少廉耻之臣國多貪婪之吏國弊民散興
復難期非敢塞賢路爭吏途只冷天下之耳
目知聖德之平均也望請天恩殊垂矜照諸
國受領之吏秩滿臨時之闕若可補十人者
舊吏新叙相半各補五人將均勞逸抑國有
太少亦有興亡功有優劣亦有先後隨國論

功依次加賞則苟成其功者待次第而不愁
不歎適趣其任者慕循良以盡節盡忠外彌
扇龔黃之風內何憂閑素之日乎伏錄事狀
倫軍等誠惶誠恐謹言

天延二年十二月十七日

散位源朝臣順 藤原朝臣為雅

散位藤原朝臣

請殊蒙 天恩因准前例依和泉國功

補淡路守闕狀 源順

所濟功十二箇條
以前微功等謹甄錄如右。抑件淡路國名雖一國實纔二郡。外位從下之輩。古今所任來也。順苟治小國。適成大功。又忝上階。須期後賞。然而籠鳥思出。豈擇遠近之林。轍魚悲枯。只求斗升之水。望請殊蒙。天恩被補件國。展翅於仁風。霑鯁於惠澤。將令天下彌知明。

時之不棄前功。舊勞矣。順誠恐謹言。

天延四年正月廿八日。散位從五位上源

朝臣順誠惶誠恐謹言。

請殊蒙。天恩依和泉國所濟并別功

散位。勞次第被拜任伊賀伊勢等國守

闕狀

任國勘文等

源順

件功勘雜公文。請揔返抄此二箇條之外。

皆是別功也。條々具見申加階之時所司
勘文等。

散位勞十箇年

件勞天祿二年以後所積舊吏中既爲第一
一。彼國吏濟例事皆以加階拜官未有成
別功如此沈滯者。

右順謹案延喜天曆二朝之故事抽賞舊吏
必依功勞次第若功勞共均時論成業非成

業聖風相傳今復如彼而順苟兼二事徒過
九年家富則不可愁就農桑而可養餘命年
少亦不可歎忍飢寒而可期後榮至于年老
家貧愁深歎切愚不知宿世之罪報泣猶仰
明時之哀憐而已望請天恩任功勞次第
被拜除件國關外彌竭松柏之節內將拂菜
蕪之塵順誠惶誠恐謹言。

天元三年正月廿三日散位從五位上源

朝臣順誠惶誠恐謹言

請特蒙 鴻慈因准先例兼任弁官左

右衛門權佐大學頭等申佐官替狀

大江匡衡

右匡衡歷文章生文章得業生對策及第歷
檢非違使彈正少弼拜除當職叙位勞十箇
年博士勞五箇年以儒學為業以風月為資
貧而樂道未兼溫官賤而嗜文難耐寒苦家

徒四壁耻文籍之漸散母已八旬悲祿養之
猶遲伏檢故實文章博士兼弁官例大江朝
綱卿菅原文時卿也兼衛府例藤原菅根兼
左近衛少將也兼大學頭例祖父維時卿菅
原文時卿也諸道博士兼衛府佐例明法博
士惟宗公方兼左衛門權佐也方今當今莅
民之後聖宰之輔政以來近訪延喜天曆之
故事遠問周室漢家之遺風去秋遇重陽之

宴誇文道之已興。今春見朝拜之儀。感聖代之
之復舊。繇是詩書仁義之路。照然就日。禮樂
儒雅之林。靡然向風。興廢繼絕。不亦悅乎。加
以伶人左衛門尉大女兼時。右衛門尉秦身
高等。猶遇臨時之恩。各預不次之賞。蓋重其
藝能也。夫王道無偏執。親執踈臣。節有漸。自
微至著。燕王求賢。郭隗為師。而四方競至。漢
帝明賞。雍齒為侯。而諸將自安。匡衡不知運

命。不量涯分。強企微望。匡躬之故。唯欲令天
下海外。知學校不廢文章。見重矣。嗟呼。龍之
為龍。則以有文章也。鳳之為鳳。亦以有文章
也。事若不諧。道猶埋滅。誰歌堯舜之風。誰明
君臣之美。望請特蒙天恩。因准先例。兼任件
等官。將知文學之重。不堪懇款之至。匡衡誠
惶誠恐。謹言。

正曆四年正月十日從五位上行文章

博士兼尾張權守大江朝臣匡衡誠惶誠
對恐謹言

請殊蒙天恩依檢非違使勞兼任越

前尾張等國守闕狀大江匡衡

文章博士任受領例

橘公朴任近江守

巨勢文雄任越前守

菅原清公任播磨守

春澄善繩任伊豫守
菅原在躬任大和守
安倍與行任肥後守
王善清行任備中守
藤原佐世任陸奥守
平篤行任加賀守
策家居内官兼受領例
文章博士菅原是善兼伊豫守

式部少輔大江音人兼丹波守

東宮學士高階成忠兼大和守

大學頭大江齊光兼近江守

式部權大輔菅原輔正兼大宰大貳

左近衛權少將大藏權大輔常陸權介藤

原朝臣佐世兼陸奥守

右匡衡歷文章生文章得業生對策及第歷
檢非違使彈正少弼拜任當職叙位勞十三

年博士勞八箇年其間辛艱沈滯歎深墜文
章博士之前蹤七年不賜兼官計檢非違使
之後輩八人超為受領匡衡不種一頃之田
積學校為口中之食不採一枝之桑織文章
為身上之衣進望尚書之閣則鶴眼疲而不
可階退求刺史之車亦羊腸峻而無推轂狀
間當今之時政返淳素三五之化漸彰二八
之臣如舊去年之秋除日文道成業之人多

進今年之春叙位亂階不次之賞不見如此
則雖澤畔之蒲截畫久泥五代三餘之學而
澗底之松老來幸期千歲下遇之榮主澤溫
澗此時不浴何時浴儒林光華此時不開何
時開抑申揜非違使之分受領者藤原實輔
同安隆等也或稱追捕之功或募造作之賞
各所申非無謂然猶匡衡射鵠與實輔射鵠
文武之藝決其雌雄如何匡衡閱百家與安

隆造一屋國家之用論其殿最如何彼品尚
者屠釣之之賤老也說文韜而禮遇無雙蕭
何者翰墨之樂臣也超武將而爵祿第一明
王擢文士不憚衆議者也方今黃河雖清身
猶沈玄渙雖洽獨有耻累祖相傳之書家荒
而風雨難避老母愁遺之命官冷而水菽未
酬爲上文爲重道必垂矜遂之惠望請殊蒙
天恩依揜非違使勞并儒學之功被兼任

越前尾張等國守將勵天下之學徒不耐情願之至匡衡誠惶誠恐謹言

長德二年正月十五日正五位下行式部權少輔兼文章博士大江朝臣匡衡誠惶

王誠恐謹言

請特蒙天恩因准先例兼任備中介

闕狀

大江匡衡

右匡衡伏見當時之政化莫不延喜之舊風

文道漸興賞罰分明天下幸甚祝禱者多爰匡衡業書籍而貧攜風月而老其所經歷之孝廉茂才廷尉憲臺皆是可應州牧之舉之地也而不知舊貫愚淺之人或以為獻策之者縱雖歷式部民部丞藏人檢非違使是儒者也不可任受領因之今雖被興文道曾無尚儒尊師滂書耽學之徒絕鈞成業之名多為出身之計然間三史文選師說漸絕詞華

翰藻。人以不重道之陵遲莫不由茲。夫儒者
任受領者。往聖重道之時例也。儒者不任受
領者。近代輕文之時例也。若謂老而嗜詩之
儒不可乘熊軾。則白樂天寧非蘇州刺史哉。
若謂貧而好書之士不可引隼旗。亦朱買臣
豈非會稽太守哉。匡衡家途窘急。老母衰危。
也。每見後輩庸才之榮耀。未嘗不慨然廢書
而歎。非戴聖日之照臨。何乾沉身之愁淚。望

請天恩兼任件國闕將仰帝德之光古知文
學之為先匡衡誠惶誠恐謹言

長德二年四月二日正五位下行式部權
少輔兼文章博士大江朝臣匡衡誠惶誠
恐謹言

請特蒙天恩依尾張國所濟功并侍
讀勞被拜美濃守闕狀大江匡衡
右匡衡為尾張守之時撫民治國致合期之

勤有功無過之由。諸卿僉議早畢。又依官符
宣旨修造國分尼寺神社。諸定額寺十二箇
處。亦申請官物。別進造伊勢豐受官之料米
五百斛。造宣耀殿料。准額十餘萬束。依官符
宣旨藏人所召所交易。進絹二百餘匹等。不
立用公帳。皆是諸國史之誇功稱雄之事也。
匡衡非唯此而已。侍讀之勞十二年。侍讀之
書二百卷。春卿應五吏之問。萬乘臨幸其門。

子房為一卷之師。萬戶豐大其賞。承和之侍
讀文章。博士菅原清公卿者。乘車馬出入禁
中。應和之侍讀。中納言大江維時卿者。陪帷
幄。駐近天顏。皆是倭漢之聖主明王之崇文
嚴師之異賞。殊私也。况乎匡衡以文章奉公
之功於當時。異佗人矣。御元服賀表。深私筆
而祈千年。大宋國報書載竹牒。而傳萬里。望
請殊蒙天恩。依尾張國所濟功。并侍讀勞。被

拜任件國守闕將知誓古之力匡衡誠惶誠
恐謹言

寬弘六年正月十五日正四位下行式部
權大輔兼文章博士大江朝臣匡衡誠惶
誠恐謹言

請被殊蒙天恩依殿上舊勞拜任諸

勳文司助闕狀

紀齊名

右成基者中納言贈從二位維時卿孫參議

正三位左大弁齊光卿男也家門久傳累葉
之儒風父祖共系三代之侍讀是以成基自
幼日至丁年入趨丹墀出遊費舍以非藏人
期待中以學問料待茂才而去年正月不慮
之外被拜當職兩箇所望一不相諧爰愍成
基之不幸者故不稱司馬為增其愁也嘲成
基之數奇者皆呼曰窮鳥為示其耻也進欲
近星榆則名字已削于仙籍之上退欲思月

桂亦交迹長乘于孔門之中豈圖門塵忽絕
五代之家窻螢空逃三秋之役老母堂前且
泣雖拂紫笏之雪亡父墓側何顏更拜白楊
之風學師之道縱不遂事君之職猶欲達望
請蒙天恩被拜件官闕然則一寸如焦之
心曾中火滅二年不乾之淚袂上雨收不堪
懇款之至成基誠惶誠恐謹言

正曆五年月日正六位上行近江掾大江

朝臣成基誠惶誠恐謹言

請特蒙天恩因准先例依儒學勞被
兼任升官闕左右衛門權佐由他官替

狀

大江以言

右以言長保三年被任當職不給兼官已及
七年古今之間未有此例以言昔在丁年卓
登甲科逢宮云閣賜宴之筵必蒙其徵辟王
公卿相言詩之座必列其風塵雖慙才望之

愚賤未免風月之荷擔當彼時非著姓而奉
公之家銜才名而立身之徒誠其子孫以以
言之欲到青雲之上慕其聲譽以以言之已
和白雪之中及至其見獻策之後不給官班
空預爵級當織之中不給兼官空經多年莫
不誠子孫之人啞膺而朝辱慕聲譽之者返
唇而叱呵謹檢故實文章博士兼弁官儒士
居左右衛門權佐繼踵無絕不可遑計方今

聖主好文賢相擇士不遇好文之代者則何
為愁而今遇漢帝好文之代不得擇士之時
者則何為恨而今得周公擇士之時望請天
恩被兼任件等官聊發榮花於翰林之三春
將傳故實於學稼之萬代以言誠惶誠恐謹
言

寬弘四年二月廿二日正五位下行文章
博士大江朝臣以言誠惶誠恐謹言

請被殊蒙天恩因准先例拜任安房
能登淡路等國守闕狀江以言

右義行天延元年候藏人所貞元々年任木
工允當時造宮日夕奔營天元三年遷大藏
丞永觀二年適預榮爵諸司之間經十一年
榮爵之後送十三年而年來相當輔佐之居
攝頻漏理運之推薦專城望遙眼穿黃河之
日劇官病迫身動上池之浪因之為加湯療

暫向西海之溫泉然間鎮府都督政多邪佞
忽發吹毛之論遂張陷身之機論其虐殘乳
虎猶仁心之獸也校其狂欲貪鳥則廉讓之
禽也義行邊土受冤上天隔聽不可以詞陳
其是非不可以使訴其存亡張儀之囚楚猶
遺春鶯之舌蘇武之投胡自託秋鴈之書古
來遭冤屈之者未有如義行者受去正曆五
年十月事及觀聽議遍群卿都皆有過義行

無怠之狀。僉議已成。當于斯時。偶逃西海。濁波纔歸東洛。之舊土。池魚更游江湖之中。籠鳥再翫雲霄之上。方今聖日新昇。淳風忽返。設官分爵。先後之次。守法春兩。秋霜賞罰之科。克諧而去。冬除自議。定下野守之場。稱有西府之事。以數年下。鴈守忠超。被拜任。今檢案內。諸卿僉議。先年一定都督之任。仍以解替。然則犯法之者。已伏罪過。遭寃之身。何有。

連及加之。至于守忠者。義行叙爵之替。所拜任者也。計其勤勞。先後懸隔。而朝選之間。越預勸賞。無偏之化。雖及兆民。不次之恩。濫加一人。復自大藏丞叙爵之者。隔年給官。是則近年之訛跡。專非聖代之流例。望請殊蒙天恩。被拜任。件國等闕。適戴就日之恩光。將慰多年之沉困。義行誠惶誠恐。謹言。

長德三年正月廿一日。散位從五位下。富

道朝臣義行誠惶誠恐謹言

請殊蒙天恩因准先例兼任式部大

輔闕狀文室如正

經文章生者兼任件官例

源保光安和二年任大輔本官右大辨

藤原諸蔭延喜五年任少輔本官本内記

藤原興範延喜九年任大輔

南辨年名喜祥三年任少輔天安元年任大輔

藤原諸成承和七年任少輔嘉祥二年任大輔

右如正當職之後十二箇年于茲勤行察試

簡擇學生謂其所掌與儒相並無何優劣行

來尚矣加之出自文章生居此職之者古今

之間已有其數其例略注于右亦雖非成業

之輩有被加任之例當于昔時碩儒滿朝才

名駘世古猶如此今亦摸古然則何必強求

群儒之中何必可弃非儒之輩亦依時之斟

酌自有人之用捨者也。如正年來之間，修治
察中功績尤高，論之道理可蒙勸賞。況乎至
有蹤跡何無優賞乎？方今堯日高照，刷傷起
於恩光之中，雖海廣澤，濯枯鱗於德水之末。
望請特蒙天恩，被兼任件官。將仰明時知入
之鑒，彌勵老後奉公之誠。如正誠惶誠恐謹
言。

寬弘九年十月廿日，從四位下行大學頭

兼周防權守文室真人如正，誠惶誠恐謹
言。

請被殊蒙天恩，依遠江國所濟功并
成業勞，拜任美濃加賀等國守關狀。

源為憲

右為憲去正曆二年拜任遠江守。長德元年
得替解任。去年正月依治國加一階，抑公輩
隨宜施張。有時者明王之憲法也。有法不行

自古而無矣。謹檢案內去長德元年八月下
給諸國官符傳受領之吏不可殘滅任國隨
其狀迹可明賞罰同年十二月重被下官符
傳去任之吏二箇年中不究濟公事之輩其
子不得叙用者朝議之興為公為國內誠緩急
之吏外恤窮弊之民也。夫賞罰之道本必相並
既下誠罰之新令何無勸賞之殊恩哉。為憲
拜任之國初其凋殘僅廻治略適令興復是

則前司任終年國內作田千二百餘町也。為
憲任終年見作三千五百餘町也。又件起請
官符未出之前任中正曆五年十二月勘抄
帳受惣返抄先畢得替長德元年十二月勘
稅帳受返都帳又畢先後之勤共叶時議而
去年春及度々關國拜除舊吏惣七人勘帳
之期皆無先於為憲之人撫民之聞共無及
於為憲之輩只依運之未及泰似法之不行

其後慎起請勤公文者漸以相加。若置先勤
之人。被用後勤之吏。為憲拜官。亦期何年哉。
進察事情。古之為良吏者。只合期見上。任國
不亡之謂也。勤此二者。其身自不富似古而
貧者。今只為憲也。加之倩訪。延喜天曆二代
之故事。用吏之道。先依切勞。若同。又辯成業
非成業之者。去年正月。除自道路謳歌多美。
皇化其中。參河守藤原舉直。越前守同為時。

各任所望之國。是其一也。彼為時等。若以前
進士。別遇採用者。為憲同成其業。矧久嘗道
嶮乎。若以舊藏人。式部丞。自蒙哀憐者。為憲
皆歷其職。矧仕天祿之朝乎。既而興復任國
之治術。人口自傳。勤濟公文之年月。帳面既
明。以一身兼三功者。去今年間。為憲而已。若
預今春之拜任。定繼去年之謳歌。望請天恩
被任。件闕使當時後代。仰我后擇吏之明鑑。

為憲誠惶誠恐謹言

長和三年正月二十三日散位從五位上

源朝臣為憲誠惶誠恐謹言

請被特蒙恩恤因准先例舉達辨官

右衛門權佐關狀 三善道統

右道統謹披史漢倩見身沉韓信昌亭之餓

餘遇蕭相國而知名長卿臨邛之食客依揚

待意而有違伯里美牛羊之慙主以進顯位

東方朔虎鼠之論人以為美談蓋是知與不

知用與不用也道統再登龍門再折紅桂天

曆七年進士及第應和二年秀才及科二省

勞六年之內色々公務一一匪懈叙用之後

憂待例而安和二年故左相府薨卒之月即

任太學頭本望不遂落淚不留天延二年更

棄當職讓出不圖例在非常愁吟之處蒲柳

七秋荷裳非業何道名於東海東蘿徑應深

誰晦跡於北山之北。雖生堯舜之代。未遇比
屋之封。雖非夷齊之廉。已及採薇之飢。心拙
焦慮難學。北門長鈇之歌。身苦孤貧。唯有南
山短衣之曲。殿下黃陂潤色。許月朗光。情峯
之峻。類蒿衡不讓。細壤智水之深。如江海寧
嫌織流不珍。尺璧周公吐食之勞。只重寸陰。
荀氏累席之座。拔微起滯。極鑑秋豪。謗善簡
能。明照曉月。仍以布鼓之性。泰驚雷門之聽。

如枯鱗之臣。輒投心恩波。似窮鳥之入懷。懸
思於惠露。望請特蒙恩恤。舉達件闕。加下顧
於鴛蹇。使傳絕塵之譽。及餘慶於子孫。須期
高門之胤。然則病雀食花生。羽翼於暖雨。寒
鶯出谷。戴恩煦於春風。道統誠惶誠恐謹言。
天元二年正月日。從五位上行。勘解由次
官王善朝。臣道統。誠惶誠恐謹言。

○申讓爵

請殊蒙天恩以所帶榮爵讓親父正

六位上忠行狀 大江朝綱

右先父克而帶爵古人耻之今亦耻之推榮
班而讓親賢者思之愚亦思之親父忠行心
尋古今學兼倭唐訪七略而叩門戶涉九流
而酌淺深嗜學之情老而彌篤保憲適庭日
淺纔窺推步於一隅奉公勞成已忝榮爵於
三朝而老父齡傾青衫不改柴扉之裏愚子

年少朱衣漫曳周行之間曉夕溫清進退失
步爰蒲柳經秋而彌脆水菽并日而屢空蓋
忠誠於天闕之年長致孝養於私門之日短
方今聖上已以孝治天下臣下何忘孝留心
中望請天慈曲降哀矜以此朝請之名令讓
暮年之父然則父登榮班得誇五品之號子
返初服猶勝萬戶之侯不勝思親之志保憲
誠惶誠恐謹言

天曆六年四月廿七日。從五位下行。曆博
士賀茂朝臣保憲。誠惶誠恐謹言。
請殊蒙天恩。因准前例。被傳所帶。爵
令男右少弁佐時朝臣加一階狀。

源順

右明子天慶以來。久奉先朝。自遊青閣。至宴
紫臺。三十餘箇年。幸得忝御匣殿。別當之號。
矣。好謙恭而衣無貳采。雖罷剪花。慰波守禮。

法以服隨。四時難奔。深人工女。叡智所照。不
虛其勤。洪私所加。漸高此爵。內流槐門之餘。
慶外戴梧岫之遺恩。可以終老。亦何思哉。然
而妾所生男有三人。長子佐時。次子佐理。少
子延曆寺僧明照是也。明照少登台嶺。早為
比丘。佐理復辭右兵衛佐。腰解龍泉。心入鷲
窟。報恩雖說。真實之理。至孝皆忘。白花之篇。
爰悲妾衰邁。問妾寒溫者。二子之中。獨佐

時而已。雖老後，子孫慈憤之心，不別道俗而公庭讓爵之恩，豈顧巖僧，加以春秋已及，七旬晨昏亦携一子凍梨，膚冷之夜，席更依佐時鋪而取溫水，救齒寒之朝，食常待佐時勸而兼味，嗟呼浮生將盡，日前若隔，悅目之恩，涯宿念不忘，身後恐妨轉身之覺，路每思此事，夢驚涕零，方今謹訪故實，或官或爵，父子遞相讓之例，古今不可勝數，望請殊蒙天恩，因准

彼例，早停明子之四品，被加佐時之一階，然則子悅而見母，不異西巴放林之麋，弟來而禮兄，猶同南翔去塞之鴈，不堪悲愛，懇篤之情，明子誠惶誠恐謹言。

天延四年二月一日，從四位上藤原朝臣明子誠惶誠恐謹言。

○申學問料

請殊蒙天恩，被給學問料，男無位惟

熙狀

菅原文時

右文時謬以儒胤叨揚虛名風吹箕裘即好文之君所惠塵遺書籍非成業之子誰傳今件惟熙藝圃初耕詞源漸討其才劣焉雖似至愚之老父其相顯矣誠是前賢之末孫况此料之始起自當家高祖父從三位清公朝臣兄弟四人一時共給是也望請天裁殊垂恩矜被賜穀倉院月料令資彼照松之勤

文時誠惶誠恐謹言

天曆十年月日從五位上守右少弁菅原朝臣文時誠惶誠恐謹言

請殊蒙天恩被給穀倉院學問料無

位輔照狀

菅原文時

右文時爵已四品儒職兼之古來之人尤所希有是以文時齡之衰老雖可歎家之清虛雖可愁為端夙夜之忠猶纏筆硯之役但業

有箕裘未能傳子念此一事五内無聊伏檢
案内文章得業生新欲被補給料學士隨則
可有闕方今輔照風月之才似父雖漸文時
且暮之淚思子彌深去年豫企懇望上聞中
懷早畢同房諸儒之各言其子者猶亦連署
所舉奏也望請鴻恩殊垂憐恤以件輔照被
下宣旨給彼院料令扇門風文時誠惶誠恐
謹言

康保二年月日正四位下行式部大輔兼
文章博士菅原朝臣文時誠惶誠恐謹言
請被給 穀倉院學問料令繼六代業
男蔭孫無位能公狀 大江匡衡
右伏檢故實菅原大江兩氏建立文章院分
別東西曹司為其門從習儒學著氏姓之者
濟々于今不絕因斯此兩家之傳門業不論
才不才不拘年齒菅原為紀以七代應舉其

本朝文粹卷第六
時有高岳相如賀茂保胤者雖富才不爭大
江定基以五代當仁其時有田口齊名市削
以言者雖工文不競夫然則累代者見重起
家者見輕明矣方今能公聚德之螢漸照臺
簡過庭之鯉志在龍門若不吹噓何期成立
望請蒙鴻慈准前例早賜燈燭料令繼箕裘
之業不堪懇款之至匡衡誠惶誠恐謹言
長保四年五月廿七日正四位下行式部

權大輔兼文章博士大江朝臣匡衡誠惶
誠恐謹言

本朝文粹卷第六終

